



22. august 2017

Inatsisartut Suleriaasianni § 37 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit atinut inatsit atsiisarnerlu pillugit:**

**1. Naalackersuisut suliniutigilersaarnerlugu Kalaallit Nunaannut atuuttumik atinut inatsimmik sananissartik?**

**2. Naalackersuisut qinnuigineqarput nassuiaqqullugit malittarisassat suut (inatsisit nalunaarutillu) atuuttarnersut katinernerup kingorna nuliannngortup uinnngortup aqqanik tigusisoqassatillugu aamma peqataanik nalileqquneqarpoq malittarisassat maannakkut atuuttut naapertuunnersut?**

**3. Naalackersuisut qinnuigineqarput nassuiaqqullugit malittarisassat suut (inatsisit nalunaarutillu) atuuttarnersut, nammineq qitornat atserneqarneranni atit (siulliit) sorliit atorpeqarsinnaanerit eqqarsaatigalugu aamma peqataanik nalileqquneqarpoq malittarisassat maannakkut atuuttut naapertuunnersut?**

(Inatsisartunut ilaasortaq Randi Vestergaard Evaldsen, Demokraatit)

### **Tunnngavilersuut**

Danmark Kalaallit Nunaallu Naalagaaffeqatigiikkaluarlutik nunaapput assigiinngitsupilussuit. Assigiinngitsunik kultureqarpugut aamma assigiinngitsunik ileqqoqarpugut. Taamaakkaluartoq immikkoortut ilaanni assigiimmik inatsiseqarpugut, tamannalu tamatigut naapertuuttuaannarneq ajorpoq.

Tamatumunnga assersuutigilluarsinnaavarput atsiisrnek. Nunami maani kalaallit aqqinik tusarnersorsuarnik peqarpugut, nunarsuup sinnerani aterineqanngitsunik. Taakkuninnga qitornagut atserluarsinnaavagut imaluunniit atii allannngortissinnaavagut tamanna kissaatigigutsigu. Aammali misigineqartarpoq angajoqqaat atsiisinnaasannnginnerat kusanartumik naak takujuminaakkaluartoq angajoqqaat toqqagaannik meeqqat soq atserneqarsinnaannginnerisut.

Uanga nammineq isumaqarpunga inuup kialluunniit qitornani qanorluunniit atserinnaasariaqaraa. Soorunami oqaasipiluit allalluunniit oqaatsit atiuunngitsut atorpeqarsinnaassanngillat.

Aamma taamaattariaqaralarpoq katikkaanni assigiimmillu kinguliaqalerusulluni. Sooq killilersuivigineqassappat atit taaguutaanngitsut/ kinguliat aappariinnit aterineqalersinnaasut? Arlaannik ajortoqarpoq.

Nuliap/uip kinguliaa kinguliartaarineqarsinnaavoq taamaakkaluartorli ateq taaguutaanngitsoq pineqarsinnaanngilaq naak ateq taaguutaanngitsoq kinguliatut isigineqarluarsinnaagaluartoq. Inuiaqatigiittut sooq killilersuivigineqassaagut, inuit asaqtigiiit assigiimmik taaguutaanngitsumik ateqarsinnaajunnaarsillugit/kinguliaqatigiissinnaajunnaarsillugit.

Qulaani allaqqasoq tunnngavigalugu isumaqarpunga naapertuutissagaluartoq uangut nammineq atit



DEMOKRAATIT  
DEMOKRATERNE

pillugit inatsiseqalertuugutta kalaallit nunaanni pissutsinut naleqqussakkamik. Taamaattumik paasisaqarfigerusuppara piffissami aggersumi Naalakkersuisut sunik suliniuteqassamaarnersoq.

Apeqqutit akeqquakka ullut suliffiit nalinnaasut qulit iluanni.